

MSVP

USLOVI ZA RIZIKO OSIGURANJE ŽIVOTA

I OPŠTE ODREDBE

Član 1.

USLOVI za riziko osiguranje života (u daljem tekstu: USLOVI) sastavni su dio Ugovora o osiguranju (u daljem tekstu: Ugovora) koji ugovarač osiguranja sklopi sa Grawe osiguranjem a.d. Podgorica (u daljem tekstu: Osiguravač).

Član 2.

- (1) Pojedini pojmovi i nazivi u smislu ovih Uslova imaju sljedeće značenje:
OSIGURAVAČ je Grawe osiguranje a.d. Podgorica;
UGOVARAČ OSIGURANJA je lice koje sa Osiguravačem sklapa ugovor o osiguranju;
OSIGURANIK je osoba za čiji život se sklapa osiguranje;
KORISNIK je Kreditna institucija;
PREMIJA OSIGURANJA je novčani iznos koji naplaćuje Osiguravač za preuzeti rizik;
OSIGURANI SLUČAJ je nastup događaja s obzirom na koji se sklapa osiguranje;
OSIGURANA SUMA je novčani iznos na koji je sklopljeno osiguranje života;
POLISA OSIGURANJA je isprava o zaključenom ugovoru o osiguranju.

- (2) Po ovim uslovima mogu se osigurati osobe od navršenih 18 do navršenih 75 godina života, a u skladu s odredbama Ugovora.

Član 3.

Osigurana suma i premija osiguranja ugovaraju se u EUR.

II UGOVOR O OSIGURANJU

Član 4.

- (1) Ako ugovarač i osiguranik nisu ista osoba, za pravovaljanost ugovora ponudu mora potpisati i osiguranik odnosno ugovarač mora priložiti pisanu saglasnost osiguranika s naznakom osigurane sume.
- (2) Sastavni dijelovi Ugovora su, pisana ponuda osiguranika na obrascu Grawe osiguranja i ovi uslovi.
- (3) Sve izmjene ponude i zahtjevi osiguranika, ugovarača i Osiguravača moraju biti u pisanom obliku, a smatraće se da su podneseni onog dana kada ih je primila strana kojoj suupućeni.

III PREMIJA OSIGURANJA

Član 5.

Plaćanje premije

- (1) Ugovarač je dužan premiju plaćati u rokovima i na način određen ugovorom o osiguranju.
- (2) Premija se plaća godišnje.
- (3) Ugovorom o osiguranju može se utvrditi plaćanje premije u ratama.
- (3) Osiguravač je dužan primiti uplatu premije od svake osobe koja ima pravni interes da premija bude plaćena.

IV OBAVEZE OSIGURAVAČA

Član 6.

- (1) Ugovorom o osiguranju Osiguravač je obavezan isplatiti osiguranu sumu ako je smrt osiguranika nastupila zbog bolesti ili nezgode.

V ISKLJUČENJA I OGRANIČENJA OBAVEZE OSIGURAVAČA

Član 7.

- (1) Osiguravač nije u obavezi isplatiti osiguranu sumu nego samo do tada prikupljenu matematičku rezervu definisanu Zakonom o osiguranju i podzakonskim aktima u Crnoj Gori, ukoliko je smrt osiguranika nastupila zbog:
1. rata ili ratnih događaja u koje je upletena Crna Gora, odnosno u ustancima, pobunama i neredima;
 2. nuklearnih katastrofa kojima je pogođena Crna Gora;
 3. namjernog izazivanja nesretnog slučaja ili samoubistva;
 4. okolnosti koje osiguranik namjerno prešuti ili netačno prijavi, a zbog kojih osiguravač ne bi prihvatio ponudu za osiguranje da je znao za njih.

VI RASPOLAGANJE PRAVIMA IZ OSIGURANJA

Član 8.

- (1) Sva prava koja proizlaze iz ugovora o osiguranju života pripadaju ugovaraču osiguranja.

VII PRIJAVA OSIGURANOG SLUČAJA

Član 9.

- (1) Lica koja polažu pravo na osiguranu sumu dužna su po nastupanju osiguranog slučaja podnijeti pisani zahtjev Osiguravaču, uz podnošenje sljedećih isprava:
1. izvod iz matične knjige umrlih ili drugu ispravu kojom se dokazuje smrt osiguranika;
 2. dokaz o uzroku smrti.
- (2) Osiguravač ima pravo zahtijevati i druge dokaze koji su bitni za likvidaciju štete.

VIII ISPLATA OSIGURANE SUME

Član 10.

- (1) Osiguravač je dužan isplatiti osiguranu sumu u skladu s Ugovorom o osiguranju, u roku 14 dana od dana utvrđenja postojanja i visine obaveze.
- (2) Eventualni trošak isplate osigurane sume snosi korisnik.

IX NAKNADA ZA USLUGE

Član 11.

- (1) Ugovarač je dužan platiti naknadu za sve usluge koje posebno traži od Osiguravača, u visini koju odredi i zatraži Osiguravač.
- (2) Ugovarač je dužan uz ugovorenu premiju platiti i sve poreze i druge javne obaveze određene propisima.

X ZASTARA

Član 12.

- (1) Potraživanja iz ugovora o osiguranju zastarijevaju prema odredbama Zakona o obligacionim odnosima.

XI. ZAVRŠNE ODREDBE

Član 13.

- (1) Za odnose između Osiguravača, ugovarača osiguranja, osiguranika i korisnika te ostalih osoba kojih se tiče, a koji nisu uređeni ovim uslovima ili ugovorom o osiguranju, primjenjuju se odredbe Zakona o obligacionim odnosima.